

) жоғары білімді біліктілігі жоғары мамандар даярлау мақсатында, төмендегілер туралы келісті:

1-бап

Филиалда мемлекеттік білім беру тапсырысы бойынша кәсіптік жоғары білімді мамандарды нысаналы даярлау Қазақстан Республикасының азаматтары арасынан жүзеге асырылады.

2-бап

Филиал студенттеріне Қазақстан Республикасының мемлекеттік тапсырысы шеңберінде Л.Н. Гумилев атындағы Еуразия ұлттық университетінің әскери кафедрасында оқу құқығы беріледі.

3-бап

Оқу жоспарларын ойдағыдай орындаған филиал студенттеріне М.В. Ломоносов атындағы Мәскеу мемлекеттік университетінің дипломы беріледі.

4-бап

Филиалда оқу Қазақстан Республикасына шетелдік жұмыс күші ретінде оларды тартуға рұқсаттар беру рәсімінен өтпей-ақ, дәрістер беру мен оқу жұмысының басқа да түрлерін жүргізуде ММУ-дің профессорлық-оқытушы құрамының қатысуымен жүзеге асырылады.

5-бап

Оқу процесіне қатысу үшін филиалға іссапарға жіберілген ММУ-дің профессорлық-оқытушы құрамына қызметтік іссапарлар кезінде елден тысқары шығатындар үшін Ресей Федерациясының қолданыстағы заңнамасымен белгіленген мөлшерде филиал қаражатынан өтемақы төлеу жүргізіледі.

6-бап

Осы Келісімнің ережелерін түсіндіру немесе қолдану мәселелері жөнінде келіспеушіліктер туындаған жағдайда, Тараптар оларды консультациялар мен келіссөздер жолымен шешетін болады.

Тараптардың өзара келісімі бойынша осы Келісімге өзгерістер мен толықтырулар енгізілуі мүмкін, олар осы Келісімнің ажырамас бөлігі болып табылатын жеке хаттамалармен ресімделеді.

7-бап

Осы Келісім оны күшіне енгізу үшін қажетті мемлекетішілік рәсімдерді Тараптардың орындағаны туралы соңғы жазбаша хабарлама алынған күннен бастап күшіне енеді.

Осы Келісім Тараптардың бірі екінші Тарапты оның қолданылуын өзінің тоқтату ниеті туралы жазбаша хабарлама алған күннен бастап алты ай өткенге дейін қолданыста болады.

2004 жылғы "___" _____ Астана қаласында әрқайсысы орыс және қазақ тілдерінде екі данада жасалды және де барлық мәтіндерінің бірдей күші бар.

Келісім мәтінін түсіндіруде алшақтықтар болған жағдайда Тараптар орыс тіліндегі мәтінге сүйене алады.

*Қазақстан Республикасының
Үкіметі үшін*

Ресей Федерациясының

Үкіметі үшін